



*D. O. M.*  
 DE LUXATIONIBUS.  
 THESES  
 ANATOMICÆ ET CHIRURGICÆ.




SSA partibus corporis mollioribus non tantum figuram quandoque, thecam, aut fulcrum præbent, sed inter se diversimodè conjuncta, earum functiones ad fines varios disponunt. Hic firmiter dispositione propriâ, ligamentis, retinentur ossa, motusque quosdam vix edunt; illis laxiora & ad alios fines conformata, ad invicem moventur & usus mirandos præstant; necessaria ergo multiplex, diversa, & exquisitè ordinata ossium inter se conjunctio.

Ossa ab invicem removeri non possunt absque functionum læsione; hæc autem remotio, vel fit quando ossa inter se

A

C





firmiter juncta dehiscunt & tunc vocatur separatio, distorsio; vel accidit articulis mobilibus & tunc audit Luxatio; hinc dicenda est Luxatio, recessus extremi ossis mobilis vel plurium ossium ex cavo, in quo naturaliter moventur.

CUM pro variis articulis, variâque partium circumstantium dispositione, diversus sit Luxationis modus, imò diversa se offerant curationis media; Luxationum doctrinam præcedere debet articulorum mobilium cognitio. Articulus autem mobilis, habitâ ratione motûs producendi, dividitur in Diarthrosim manifestam, vel obscuram. Prior Diarthrosis, conspicuum habens motum, subdividitur, & vel rotationem seu plures admittit motûs species, vel in duas tantum directiones movetur. Illa fit quando caput majus vel minus profundæ, vel leviori cavitati jungitur, & tunc dicitur Enarthrosis & Arthrodia; dicuntur illæ etiam orbiculares; si autem plana ossis superficies planæ cavitati supersedeat, tunc articulus planiformis distinguitur. Diarthrosis, in duas tantum directiones mobilis Ginglymi nomine apud Anatomicos donatur: fit quando extrema ossis capitibus aut cavitatibus conspicua suscipiunt & suscipiuntur. Hic articulus perfectus est, quando flexionem aut extensionem tantum admittit; dicitur etiam tunc angularis (1); vel imperfectus quando præter flexionem aut extensionem alii motus obscuri eduntur; denique agnoscendus etiam ginglymus lateralis. Diarthrosis obscurum habens motum ad articulos modò dictos, quoad modum junctionis, revocari potest. His additur à quibusdam Amphiarthrosis (2).

PRÆTER motus in uno quoque articulo conspicuos, annotanda præsertim Chirurgo ossium inter se junctorum proportio, quâ non tantum varii motûs, sed etiam variæ dimotionis species cognoscuntur. Consideranda etiam ligamenta quibus firmantur articuli; in juncturis orbicularibus laxiora capsulæ in modum disponuntur, quibusdam tantum levioribus firmata ligamentis; in juncturis per ginglymum præter capsulare, lateralia adsunt ligamenta, imò alia pro variis usibus, ut sunt ligamenta articulorum interna aut externa: non omittantur etiam musculorum, aut tendinum articulos ambientium & moventium dispositio, situs, vis, numerus,

(1) Winslow, *Traité des Os secs*, n°. 133.

(2) Winslow, *ibid.* n°. 146. Heisteri *Compendium Anatomicum*, de Juncturis ossium, & omnes fere recentiores Anatomici.



actio ; his ritè cognitis ossis dimoti situs, dimotionis species præ-  
nuntiantur. Denique ad synoviae naturam, articularum cartilagi-  
nes, vasa vicina, texturam cutis, pinguedinis suppositæ quanti-  
tatem, attendendum; ex his enim cautelæ totidem in curatione  
observandæ.

Ex modo dictis jam concluditur difficilius à se dimoveri ossa  
per ginglymum juncta, facilius verò ea quæ per Arthrodiam aut  
Enarthrosim; dimotionem incompletam frequentiore esse in  
articulis per ginglymum; tantò faciliorem esse Luxationem,  
quantò minor est proportio cavitatis recipientis cum capite re-  
cepto; minorem adesse resistantiam à ligamentis juncturarum  
capsularibus; pro variâ muscutorum actione variam requiri vim  
& dispositionem, ut os dimotum reducatur; cartilaginum con-  
tusioni esse providendum; vasorum compressionem amovendam;  
synoviae congestionem aut depravationem præcavendam, deni-  
que pro integumentorum conditione diversi-modè curandum.

LUXATIONUM variæ dinumerantur species. 1°. Habitâ ratione  
modi quo os è suo articulo excidit, dividuntur in completas &  
incompletas: completa ea est in quâ os absolutè ab articulo dimo-  
vetur; incompleta verò ea in quâ vel partim tantum exiit, vel in  
cartilaginum margine retinetur. 2°. Quoad essentiam, dicitur  
simplex, quando unicum os absque accidentibus dimovetur;  
composita, quando plura ossa è sua sede excidunt; complicata  
tandem, si adsint simul vulnus, fractura, contusio gravior, gan-  
græna, &c. 3°. Propter situm ossis luxati denominantur supe-  
riores, inferiores, internæ, externæ. 4°. Habitâ ratione tem-  
poris, recentes aliæ, aliæ antiquæ.

DISCREPANT etiam Luxationes ex causis quæ distinguuntur in  
externas & internas; inter priores sunt, ictus, lapsus, nifus vehe-  
mentiores, motus violenti, vis denique externa quælibet, cujus  
actione subitâ os removetur à centro sui motûs. Causæ inter-  
næ annumerantur convulsio, laxitas ligamentorum, paralyfis,  
synoviae congestio, aucta ossium receptorum moles, vitata cavi-  
tatum conformatio; illæ causæ, exceptâ convulsione, tanquam  
prædisponentes tantum habendæ sunt, actionemque vis externæ  
articulo illatæ supponunt.



**LUXATIONUM** diagnofim conftituunt præfertim dolor in articulo, membri movendi difficultas, aucta vel imminuta partis longitudo, tumor ubi offis caput subsedit, cavitæ verò in loco unde os excidit, mutata partis conformatio; denique cum ossa oblonga musculis fulcrum præbeant, sintque eorum respectu tanquam hypomochia illorum vim & actionem dirigentia, post Luxationem mutatur musculorum situs, osque impulsus in unam partem, tantò magis altero extremo versùs partem oppositam tender; unde consideratum offis extremum hunc vel illum ejusdem offis luxati situm necessariò indicabit. Quomodo nam dignoscatur Luxatio simplex, composita & complicata; completa & incompleta; superior aut inferior; recens vel antiqua, sufficienter patet ex differentiis antea memoratis. At pro causis inter se distinguuntur Luxationes, in eo quod Luxatio à causâ externâ vim subitam supponat, doloremque vehementem ut plurimùm habeat comitem; contra Luxatio à causâ internâ, exceptâ tamen eâ quæ pendet à convulsione, lentius oritur, doloris vehementis sæpius expers, & diversi-modè indicatur pro morbi antecedentis indole. Denique non omittantur signa ex rebus morbum præcedentibus deducta, necnon signa pro quolibet osse luxato peculiariora.

His positis patet Luxationum prognofis à læsâ partium structurâ, ab articuli specie, ab essentiâ, modo, tempore, causis morbi, ab ætate & naturâ ægotantis deducenda.

**TUMOR**, dolor plùs minùs-ve intensus, motùs difficultas, membri ingurgitatio, quandoque stupor si nervi comprimantur, inter accidentia Luxationum primitiva annumerantur; consecutiva verò sunt pertimescenda paralyfis, gangræna, inflammatio articulorum, suppuratio, anchylosis, atrophia.

**AD** Luxationum curationem obtinendam, requiritur 1°. ut os luxatum reponatur, 2°. ut os repositum contineatur, 3°. ut accidentia præsentia arceantur, & futura præcaveantur, quæ omnia aliquam æquidem in Chirurgo industriam, præstantiorem verò rerum Anatomicarum, Pathologicarum & Therapeuticarum doctrinam requirunt; alioquin periculi minimè expers fit curatio.



INDICATÆ licet, citius quam fieri potest, ossis luxati repositioni obstant tamen quandoque fractura, inflammatio gravior, tumores, sanguinis effusiones. In priore casu, si os longè ab articulo fractum sit, tentanda etiamnum repositio; si contra adsit propè articulum fractura, tunc ossa consolidanda priùs; adhibitis emollientibus & resolventibus, ligamentorum rigiditati, synoviae stagnationi providendum est, calloque indurato, os luxatum reponitur. Inflammatio gravior, aliaque accidentia remediis accommodatis, discutienda priùs; sin minùs pertimescendæ sunt suppuratio, gangræna, anchylosis.

EXTENSIONE, contra-extensione, & impulsione in sedem naturalem, obtinetur ossis luxati repositio. Ut autem ritè absolvantur hæ operationes, æger, pro ut commodum fuerit Chirurgo, collocandus, vel in sedili pro artubus superioribus, vel suprà lectum pro inferioribus; extensio contra-extensioni æquilibrare debet, earum actio gradatim promovenda, pro ratione dimotionis & musculorum resistentiâ determinanda; ossibus luxatis quam immediatè fieri potest, applicanda, pro musculis tensis vel laxatis diversi-modè dirigenda. Hæc sunt præcepta usu recepta, & ab omnibus autoribus confirmata, à quibus tamen defecti potest, rationibus postea dicendis.

MUSCULORUM tensione minutâ, parteque ad naturalem figuram tendente dignoscitur ossis caput è loco retinente dimoveri, fatisque virium in extensione impensum demonstratur; tunc digitis, vel manibus mitissimè quantum fieri potest, comprimendum, torquendum & impellendum os in sedem naturalem, per eandem quâ exciderat viam dirigendum, moderandumque ne articulus concutiatur. Imminutus dolor, absentia tumoris ab osse efformati, pars redintegrata, motus restitutus perfectam reductionem indicant.

EXTENSIO & contra-extensio manuum duntaxat, aut si hæ non sufficiant, laqueorum ope perficiuntur.

QUANDOQUE tamen tanta est partium resistentia ut hæc media tanquam impotentia habita fuerint, hinc varia & totidem à veteribus propofita, nec-non magno conamine inventa machina-



menta quorum delineationem & descriptionem videre licet apud Oribasium (1), Paræum (2), Scultetum (3), hinc pro variis offibus luxatis, trochleæ, ambe Hipocratis, ejusdem scamnum, scala, porta, talum, baculus, aliæque machinæ (4): verum cum manibus aut laqueis juxta Artis regulas adhibitis, sufficiant sæpius vires, & si necesse sit, augeantur, multiplicentur, sicque partium resistentia vincatur; hinc obsoleverunt apud recentiores pleraque machinamenta à veteribus decantata. Et quidem meritò, cum nihil ferè aliud præstent, quam ut ægrorum in extensione metum, terrorem, ac cruciatus absque utilitate augeant.

PROPOSITUM finem melius non adimpleret aliarum machinarum adinventio; meminerint veri Chirurghi à machinamentis parum esse sperandum, satius verò esse confidendum præceptis & rationibus ex partium structurâ & functionum læsione, deductis.

VIREs extendentes & contra-extendentes offi luxato quam proximè fieri potest applicandas esse, usu antiquiore invaluit; verum si attendatur offis reducendi difficultatem, minùs pendere à resistentiâ muscutorum contractorum, quam à contractilitate in iisdem musculis auctâ, intempestivè supra ipsos applicatis viribus, inde machinamentorum vitium arguitur, mutandaque virium applicatio, intelligitur. His rationum momentis ducti novam faciliorem mitioremque methodum offibus luxatis fractis-ve reducendis nuper proposuere laudandi duo Academici Chirurghi Parisienses. M. Dupouy, cum Academiâ communicavit se viribus parioribus luxatâ quædam ossa in sedem naturalem faciliùs impulisse, modò vires in loco distanti ab offe luxato, applicentur, uti ad carpum pro humero reducendo, & ad malleolos pro femore. Homini ponè rhedam ascendenti, femur exterius violenter luxatum est: reductionem offis juxta Artis regulas incassum tentavit Chirurgus ad ægrum convocatus. M. Dupouy femur luxatum ad sanum horizontaliter apposuit, ministroque comprimente genu, pedem attraxit, hocque absque violentiâ moto, statim femoris caput cum strepitu quodam articuli cavum

(1) De Machinamentis.

(2) Libro de Luxationibus.

(3) Armamentarium Chirurgicum.

(4) His addenda Machina celeberr. M. Petit cujus descriptio & usus leguntur; *Traité des Maladies des Os*, Tom. 1.



7

repetiit. (1) Causam felicitis hujus eventus meditati patebit; impulsione ossis ideò esse faciliorem, quia vires extendentes musculis contractis non applicantur. Enim verò cum in hac methodo manus vel laquei non comprimant musculos extendendos, inde minor doloris summa & inde etiam minor in partibus resistantia, muscoli faciliùs cedunt, facilior proinde ossis impulsio.

Si remota à parte affecta vis extendens ossis reductioni favet; iisdem rationibus vis contra-extendens musculis partis non est applicanda. Utile hoc curationis punctum proposuit M. Fabre, doctrinamque addidit ex partium structurâ desumptam de contra-ensione celebrandâ: re quidem verâ si in femore luxato laqueus inguini læso incumbat, tunc necessariò musculus tricipitem, aliosque vicinos comprimet, unde dolor & major contractio in musculis qui reductioni obstant, nedùm faveant. Contra si inguini sano imponatur laqueus, & corpus altero laqueo supra sanum ilium transversim applicato retineatur, ut priori obliquè trahenti non cedat, tunc sufficiens adest ex parte corporis resistantia, musculique faciliùs cedentes, ossis impulsione non impediunt. Idem statuendum de humero luxato; inde tutior, facilior, promptior Luxatorum Chirurgia, laudanda certè si quidem de humano genere tam bene meretur.

OSSE luxato in suas sedes compulso, proximum est ut in situ naturali contineatur, quod obtinetur fasciis & partis situ. In Luxationibus à causâ internâ conducunt, imò necessariæ sæpiùs fasciaciones: contra in Luxationibus à causâ externâ, cum os reductum spontè retineatur, medicamentis continendis, præsertim interserviunt. Situs varius esse debet pro variis ossibus luxatis; artubus superioribus competit mitella, inferioribus verò situs resupinus commendandus; pars firmanda, medicamentis pro re nata accommodatis fovenda; per curationis tempus identidem movenda, ne ligamenta obrigescant.

CÆTERUM ut accidentia præsentia arceantur, varia pro eorum naturâ, competit curandi norma; sic sanguinis missione plus minusve repetitâ, potu leniente, diluente, laxante, minuuntur

(1) *Mercuré de France* 2. vol. Juillet 1763.



inflammatio, dolor, tensio; topicis laxantibus; emollientibus; sublevatur motus difficultas à tensione orta; contrà resolventibus, quæ pendet à synoviâ congestâ; spirituosus applicatis evanescit membri ingurgitatio ab atoniâ; hypnoticis quandoque debellantur dolor & convulsio; motibus, frictionibus, balneis, fortibus cedit articularum rigiditas; remotâ compressione quâlibet evanescit membri stupor. His ritè administratis, fasciis ut decet applicatis, situ parti accommodato præcaventur etiam accidentia, sicque perfectâ obtinetur curatio.

*Has Theses, DEO JUVANTE, & Præside M. TUSSANO BORDENAVE, Artium & Chirurgiæ Magistro, Scholarum Præposito, Professore Regio, Regiæ Chirurgorum Academiæ Consiliario, & pro commercio Extraneo Secretario, tueri conabitur, NICOLAUS GUYENOT, Louanæus Bisuntinensis, in almâ Universitate Parisiensi, Artium liberalium Magister, nec non Baccalaureus Medicus Bisuntinensis.*

P A R I S I I S,  
IN REGIIS CHIRURGORUM SCHOLIS;

*Die Sabbati 22<sup>a</sup>. Septembris, à sesqui-secundâ post meridiem ad septimam, Anno R. S. H. 1764.*

PRO ACTU PUBLICO  
ET  
MAGISTERII LAUREA.

---

Typis P. AL. LE PRIEUR, Regii Chirurg. Collegii  
Typographi.





D. O. M.

COLLARIUM FRAGTURA

THESES

ADAMANTINE ET CHITINUS

THESE DE DOCTORAT  
PRESENTÉE A LA FACULTÉ DE MÉDECINE  
PAR  
M. ADAMANTINE ET CHITINUS  
LE 15 JANVIER 1885

PAR  
M. ADAMANTINE ET CHITINUS  
LE 15 JANVIER 1885

D



THE UNIVERSITY OF CHICAGO  
LIBRARY  
1855  
CHICAGO, ILL.  
1855

THE UNIVERSITY OF CHICAGO  
LIBRARY  
1855  
CHICAGO, ILL.  
1855

THE UNIVERSITY OF CHICAGO  
LIBRARY  
1855  
CHICAGO, ILL.  
1855

THE UNIVERSITY OF CHICAGO  
LIBRARY  
1855  
CHICAGO, ILL.  
1855